


**SOTHO – “Who will deliver me?”**

## **KE MANG EA TLA NKHOLLA?**

Ka nako e 'ngoe ke ile ka ruta Evangeli ea Jesu Kreste motseng oa morena e mong oa Lesotho. Balumeli ba likereke tse ling le ba sa lumelang ba ile ba phutheha teng ho mamela lentsoe la Molimo, e leng lentsoe le phelang, le matla, 'me le fetisa ka bohale lisabole tsohle tse leolitsoeng ka ng'a tse peli. Ka 'nete le hlabile lipelo tsa bona 'me le kene maikutlong a bona.



Ha ke ntse ke ruta, mofumahali e moholo oa morena a lla ha bohloko, a ema 'me a kopa hore a lumelloe ho bua. Ka meokho e mengata a hoeletsa pel'a bohle, a re: “Nthuse, nthuse; pelo ea ka e bohloko haholo; ke motho e mobe, ke lahlehile. **Ke mang ea ka nthusang, ke mang ea ka ntokollang bokhobeng bona le lefung?**” A tsoelapele, a re: “Lea ntseba kaofela, ke mofumahali oa morena. Ke setho sa mokhatlo oa bo-'me. Ke setho sa phutheho e kholo kerekeng ka lilemo tse 20; ke ea kerekeng kamehla, empa lintso

tsena tsohle li ke ke tsa nthusa ka letho. Li keke tsa ntokolla. Ke tlamiloe ke sebe; ke letahoa le tšabehang; ke 'molai. Ho malimabe ho 'na ka baka la matsoho a ka a thusitseng ho ritela joala bo re isang timelong. Sebe se ntlamile matsohong le maotong; ke tlamehile ho ea liheleng.”

A lla habohlolo, a lula fatse, empa a ntse a hoeletsa, a re: “Ke mang ea tla ntokolla? Ke mang ea ka ntokollang ho mahlaahlela a ntlamileng a Satane? Ke rata Molimo, empa ke busoa ke sebe, ke tlamehile. Ke bolaile ngoana oa moshanyana oa ka. Ke ile ka tahoa, ka mo pepa, 'me botahoeng ba ka ka oa fatse le eena. Ka buretsa hloho ea hae 'me a shoa.”

A lla habohlolo ho feta, a re: “Nthuse, nthuse. Mpolelle kamoo nka fumanang tokoloho? Nka pholoso joang? Nka fumana bophelo joang pelong ea ka, hobane ke bona lefu feela.

Ka mo araba, ka re ho eena: “U be le khotso.” Tsietsi ea pelo ea hao ke tsietsi ea batho bohle, kamoo re balang ho ba-Roma 7:15-25 hore sebe se re busa, hobane molemo oo ke o ratang, ha ke o etse, empa bobo bo ke sa bo rateng, bona kea bo etsa, hobane bobo bo nkhomaretse. Re thabela molao oa Molimo, empa molao oa sebe o re isa bokhobeng 'me ka baka leo re sitoa ho etsa tse lokileng pel'a Molimo. Mofumahali, selo sa hao ke selo sa bohle: “Ke motho ea soto hakakang! Ke mang ea tla nkholle 'meleng ona oa lefu?” Empa re leboha Molimo hobane karabo e teng e fuma-noang ho Ba-Roma 7:24-25.

## KARABO


**“Ke leboha Molimo ka Jesu Krete. Ekare ha Mora a le lokolla etlaba le lokolotsoe ka sebele.” Joh. 8:36.**

Kantle ho Jesu ha ho tokoloho sebeng; kantle ho mali a Hae a tšolohileng sefapanong, ha ho hlatsuo ea libe. Ha ho ngaka, ha ho sehlare, ha ho moloi, ha ho motho, ha ho moruti kapa kereke e tsebang ho u lokolla matleng a sebe. Ka matla a mali a Jesu Krete le a Moea o Halalelang u ka hlatsuo, u ka lokolloa 'me u ka hlola sebe.

Jesu, Mora oa Molimo O tšile lefatšeng ho pholosa baetsalibe, ho tutubolla mahlo a lifofu, ho bolella ba holehiloeng hore ba tla lokolloa le ho ba lulang lefifing hore ba kene leseling. (Esaia 42:7). Ea etsang sebe, ke mohlanka oa sebe le oa Diabolose, empa Mora oa Molimo o tšile ho felisa mesebetsi ea Diabolose. E mong le e mong ea tsoetsoeng ke Molimo ha a etse sebe. I Joh. 3:8, 9. Jesu o itse: “Ke 'na 'nete, 'me 'nete e tla le lokolla.” O jere libe tsa hao 'meleng

oa Hae sefapanong. Libe tsa hao li tlositsoe sefapanong hore u lokolloe ho tsona. Jesu a tšolla mali a Hae ho u hlatsoa libeng tsa hao.

Ho no ho le teng lesholu le 'molai ea bitsoang Barabbase. A tšoaroa 'me a ahlooa hore a thakhisoe, empa Jesu o nkile sebaka sa hae, O jere sefapano sa hae 'me a shoa sebakeng sa hae hore Barabbase a lokolloe teronkong le lefung. Jesu a shoela Barabbase. Jesu o u shoetse le uena. U tšoana le Barabbase. Moputso oa sebe ke lefu, empa u ka talima Jesu sefapanong; eena ea sa kang a tseba



sebe, O u shoetse 'me sebe sa hao se tlositsoe teng. U ka fumana hlatsuo libeng tsohle tsa hao 'me u ka amohela bophelo bo bocha ho Jesu Kreste ea u shoetseng 'me ea tshileng bafung.

Mofumahali oa Morena a mamela hantle lentsoe la Molimo, a lumela tsohle, 'me a ineela ho Jesu ka bophelo bohle ba hae. O fumane tšoarelo ea libe tsa hae 'me a lokolloa matleng a sona. Joale lilemo tse ngata ha a noe joala, ha a tsube likoae, hobane o tseba hore 'mele oa hae ke tempele ea Molimo. O fumane botlalo ba Moea o Halalelang o mo neang matla a ho hlola meleko le litakatso tsa nama.

Mobali ea rathang, u ka lokolloa le uena ka Jesu Krete. Tlo, ineela ho Jesu ka bophelo ba hao. Tlo ho Eena, moo u lulang teng, e be tlung ea hao kapa naheng. Jesu a ka fumanoa kahohle ha u ka ikokobetsa feela 'me u ipolele libe tsa hao tsohle. Oa tšepeha 'me o lokile ho u tšoarela libe tsa hao, 'me mali a Jesu a tla u hlatsoa bokhopong bohle. I Joh. 1:7-9.

Mohlomong u setho sa Kereke lilemo tse ngata, empa leha ho le joalo u mohlanka oa sebe. Tlo ho Jesu, u 'matle ka thapelo 'me u 'molelle tsohle tse leng teng pelong ea hao, 'me u tla bona limakatso tsa mohau oa hae. O tla u lokolla libeng tsohle 'me o tla u folisa maloetseng 'ohle 'meleng oa hao, hobane ke Eena ea folisang mafu 'ohle. O tla u tlatsa ka Moea o Halalelang le ka matla hore u ka mo phelela. Tlo ho Eena. Tlo hona joale.



The popular “Heart Book” with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)